

◎歷朝憲章類誌卷之十

潘輝注著

△人物誌

●名良之將

鄭惟俊 雷陽水注人。功臣典國公鄭克復之後。光紹末封蒞國公。鎮清華時昭宗留皇子寧於西都。命俊保護之。帝出樂土討登庸兵敗爲所刦還京。俊避水注册而令黎瞞抱皇子奔哀牢國藏匿。莫旣篡。搜求黎氏宗親加害。俊崎嶇擁戴潛護皇子消息備歷艱勞。迨昭勳公訪求黎。後俊乃與弟惟僚糾率遺民奉迎皇子卽位。披草萊立朝廷。與昭勳公叶贊於是調兵餉納豪傑銳圖進攻而遣惟僚浮海如明乞師。僚至燕稱逆。莫僭亂竊據國城。阻絕道路以致久廢職貢。請討之。禮部疑其詐致詰。惟僚作書數千言。歷叙顛末。以申包胥豫讓自比。明人稱之。世宗得惟僚奏。乃命發兵討莫。而登庸行賂三司。師期竟緩。時昭勳公出師征伐。俊留守上游。調集兵馬與諸舊將撫蠻獠訓士卒。植國固本。翊扶之功多焉。元和七年卒。

武文淵 嘉祿巴東人。少鷙勇過人。統元末以殺人亡命大同。時土酋政苛民怨。文淵陰結黨與乘間殺之。遂號令部落。衆皆推服。據宣光大同收物等地。面不受僞莫節度。稱黎舊將慶伯侯。聞莊宗立。遣使奉表輸款。帝拜爲平東將軍嘉國公。昭勳公遺書約以同心滅莫。有云天下者天下之天下。多助之至天下歸之。近者乾綱解紐僞僭干常。所望貴將同心協力。掃除妖氛。蕩平宇宙。恢復京師。海內攸同。富貴桓圭。爰及子孫。有違此盟。天神共滅。文淵得書益感激勵志。甲午明將出師討莫。命兩廣查勘。文淵具狀言。本國被登庸父子篡奪忠義之士。則有頭目閥閱如阮金鄭惟俊等。共推

卷十 人物誌

名良之將

魏

二十

戴光紹之子。以攝國政。據於清化路。鄭哩鄭曉據於太原。阮仁蓮據於廣南。此數者皆義存故國。志勵報讎。各擁兵衆。據土宇以圖濟國難。文淵奉本國王命出鎮宣光路。地方深有望天朝德義。乞興師伐罪。以正名分。救生靈。明朝臣始信之。丁未帝遣舍人諭以犄角討賊與。乃革相。辱齒。文淵遣人奉表稱據有端雄。臨洮富平高平等府。三陽三農普安同喜。郴蠶枚木等州。乞便宜封拜。其僞將阮敬等勢已窮促。臣當與天下忠義掃清宮禁。奉駕還都。帝大悅。迨中宗立。莫氏內外離叛。文淵承詔自宣光西下。略定三帶北河等府。分遣招安太原諒山復還大同。英宗立太師諒國公大舉東討。由天關出興化至宣光。文淵出迎。其部伍完寔。兵精食贍。太師大喜。共議進師渡河。命文淵仍領大同。以其勤王功多。許襲宣光鎮守。正治末年卒。子孫繼襲奉祀。今安西府有遺址號城袁。土人廟祠頗稱靈異云。

子公紀。封仁國公。孫德恭。曾孫公蕙並封郡公。詳見宣光地輿誌。

范篤。永福土山人。元和間隨諒國公征討。蹈危履險。備歷艱勞。賜爵陽義侯。中宗順平初掌金吉衛。進封廣郡公。六年率諸將經略化州。莫將范德中等歸順。其據險不降者悉攻殺之。於是蠻獠皆附順。廣悉平。還師以功進太保加封叶謀功。掌錦衣衛。七年莫敬典遣僞壽郡領戰船百餘入寇。時黃廷愛等伏兵江北。而篤督水師戰船據上流以待。先遣輕兵誘敵。壽郡船艘深入。伏兵並起。渡江截其後。上流戰船夾擊大破之。斬獲甚多。敬典由是遠遁。八年改授兵部尚書掌部事。英宗天祐初。莫復大舉入寇。敬典寇清華。而范瑤等寇乂安。敬典僞官軍所敗。賊船盡被俘獲。太師乃令篤與廷愛率之載精兵其中。張莫旌旗。七月入丹涯海門。賊兵不及設備。篤襲擊大破之。瓊等棄船遁走。九月率水軍東伐。略定山南下路而還。是時莫恃衆屢犯。勢頗跳恣。而卒能以奇勝敵。使王師

震薄。賊不敢西嚮而正視者。篤與廷愛之功爲多焉。正治初。進太傅。封德郡公。尋卒。年四十六。上痛悼。贈太尉。德國公。謚忠毅。篤多智習兵性。忠謹有文學。遇士大夫以禮。其行軍嚴約。束一號令。又安順化廣南三鎮。所至布威信。不妄殺民夷。懷服三陲。晏然。當時稱良將云。

黃廷愛。永福人。諒國公舅子也。勇敢有謀。少累從征伐。以功爵廣西侯。順平中馬江之戰。伏兵江北。與范篤合師禦敵。大破莫兵。天祐初。又與篤襲擊賊將於乂安。威聲屢著。累封叶謀剛正功臣。錦衣衛都指麾使。正治初。鑿賊於錄渡黃江諸陣。皆先登有功。二年。進爵榮郡公。時年三十三。尋命爲先鋒。出師代莫。由天關出。美良不拔。所過秋毫無犯。方民案堵。十月。及賊兵戰于林仙。大破之。攻略右隴。鳳眼遇賊兵。又戰破之。轉戰于諒山。土酋皆降。諒國公令守諒山。攻略諸州。未下者四年。莫敬典越海入寇。諸守將退走。太師復令抽回清華鎮守。以固根本。時王師遠出。經略諸外鎮。聲勢震薄。莫人謀乘虛擣。襲出其不意。迨廷愛兵還。而敬典亦退西都。由是復寧。十三年。諒國公薨。長子俊德侯鄭檜謀亂。降莫敵。兵犯關甚急。廷愛率諸將入安場謁見。隨長郡公統兵討財。與諸將感激。指天而誓。勵士卒修戰守。賊攻不利。而關內保安會莫兵。以死傷退却。帝集諸將出師。廷愛與鄭訓出石路。所至賊兵奔潰。略定農貢玉山諸縣而還。方檜之降賊也。汴營失守。事勢緊迫。敬典自謂一鼓可下。而復固軍心。抗強敵。卒以轉敗而勝。反危而安者。皆廷愛之功也。世宗立。進位太傅。是年秋。敬典復率舟師入寇。廷愛與戰。大破於錦水唐山。賊還。三年。賊復犯清華。統率諸將拒于雷陽農貢。却之。光興四年。賊將敬讓率各道兵大舉入寇。越海入廣昌屯唐囊山。帝命統領諸軍抗禦。廷愛乃分諸將爲三道。使各董兵並進。而自督大軍號令。與莫兵大戰。無不奮銳爭先。以一當百。斬六百餘

卷十 人物誌

名臣之傳

七

廿二

級。俘獲數百。生擒二僞將郡公於陣前。莫衆大敗。敬讓收殘卒遁去。自此兵威大振。蓋數十年間。雖多尅勝。而堂堂之陣。正正之旗。一鼓而破敵者。此役之捷爲最。莫人由是氣沮。不敢復西窺。清义人民。始得以安業也。五年論功。進太尉。十四年大舉討莫。領右匡營兵爲第二隊。與諸將齊進。大破莫兵於粉上。十五年以右軍入纏橋。擒其大將阮倦。東京平時。賊將裴文奎守嘉遠乞降。而爲僞義國公大兵所逼。節制公命廷愛統諸營奇進。救義國公退走。獲戰船七十艘。於是進入珠舍河。十一月茂治自苦提奔金城。其親將玉璣據喝江。陳船拒守。廷愛出官軍鑿戰大破之。十二月又進破敬止於青林。十六年莫平。帝還東京。論恢復功。加右將太尉國公爵。時東北賊孽猶復屯聚抄掠。帝命董督勦除。十七年擊莫玉璣。敬恭於安博走之。二十一年攻莫敬倫于陸岸。擒之。四月又擊破僞水師於東潮。十月至諒山。勦其餘黨。敬恭奔龍州。遂引兵還。尋進太宰。二十年帝赴南關會勘。廷愛與有僚等督兵象扈從世宗崩。就迎敬宗卽位。論定策功。加同平章事。參預朝政。弘定二年。將兵略海陽。敬恭竄走。乃焚賊營。招流民而還。東南悉平。六年祿州土賊韋達禮反。遣裨將擒之。以歸八年卒。年八十一。廷愛有學識。通兵法。持軍嚴肅。內贊謀謨。外從征伐。身經數百戰。所向皆克。位兼相將。不以等威自異。優待士大夫。慎守憲度。人皆稱其賢云。贈平章事。雅度茂義公。謚厚德。葬於石城雲籠冊。給錢千緡。皂隸民十社。上命禮部右侍郎阮灋撰神道碑以記功。

子廷泰封
重郡公。

阮有僚。慈廉西僕人。莫南道將阮凱康之姪。少孤貧落魄。而勇智過人。順平初。凱康與黎伯驥歸順。有僚時年十八。隨凱康入清華謁見。諒國公嘉之。使隨戎幕効用。進封扶都侯。正治初。凱康爲莫所害。朝廷錄其宗屬。有僚愈感激思奮。誓殄莫賊。辛酉。敬典寇清華。守將皆退避。有僚時董兵

在外太使師兼程赴援。自安定之扶興轉戰而前。與關內相夾攻。賊大敗潰走。以功進拜大都督陽
 郡公。鄭檜之變。率水步兵屯馬江北岸。及檜降莫卽將兵隨廷愛入安場謁見。與諸將結誓合謀拒
 賊。莫兵退爲右路先鋒。進擊略定農貢玉山諸縣。擒僞將奮郡以歸。世宗嘉泰初。進封太傅。敬典入
 寇爲先鋒。奮擊破之。五年又破莫兵於會上。光興元年。敬典復入寇至永福江。有僚將兵渡馬江擊
 之。設伏奉公山。大破賊兵。敬典遁。二年敬典又犯章關。有僚將兵運木石塞金玉渡。伏兵其前。與鄧
 訓夾攻大破之。斬千餘級。四年將兵出美良。及莫兵戰于頽汨。凡擢連破之。斬僞將同淵侯。及其衆
 數百人。九月莫兵犯唐囊。爲先鋒奮銳進擊大破之。以功陞兩軍掌府事。七年出攻略安謨。伏兵安
 慶。擊破莫兵。擒獲甚衆。十二年隨長國公出伐莫。進至安謨。莫總師馭讓將大兵適至。有僚先領銳
 師萬五千潛行埋伏。誘敵轉戰入險。伏兵齊起大破之。十四年大舉討莫。領銳兵義兵一萬分爲先
 鋒。與茂治大兵遇于粉上。有僚先進挑戰。移時卽奮勇大呼。馳象突擊。逆斬賊將匡定新郡於陣前。
 莫兵沮欲退。官軍乘銳進戰。萬衆齊入。敵大潰敗走。自相踐踏。逐至江臯。斬首萬餘級。俘獲不可勝
 計。茂治單騎走。渡江殘卒爭舟。溺死太半。喝水爲之不流。是役也。茂治欲大決勝負。催調四鎮四衛
 五府兵馬十餘萬。期與官軍酣戰。而一交輒敗。如山崩瓦解。莫勢遂至於不可支。以王師先聲奪氣
 之勇也。斯戰也有僚之功爲第一。是夜直抵龍城之西北角。雄象銳兵發砲放火。鼓譟振天地。如雷
 震之迭驚。風雨之驟。至莫人惶怖喪魄。茂治棄城走。菩提圻內大亂。平旦有僚始引還。十五年進攻
 東京。以左軍一萬由榔橋克西門。直入內殿。莫守將敗走京城。平尋復總督水軍。會黃廷愛擊莫。敬
 止于青林。莫兵大潰。窮追至東潮。哨獲黨夥盡殺之。十六年論恢復功。進封剛正宣力同德輔國功。

卷十 人物誌

名良之將

廿四

臣太尉陽國公十七年討僞莫壽於青波擒殺之。又討武德恭于大同破其僞春山文國二寨收獲象馬而還。十二年帝赴南關會勘與廷愛董督大兵扈從駕還京尋卒年六十六有僚爲人英爽勇決每臨敵陣銳氣騰雲叱咤風生三軍爲之奮發戰無不勝而樸塞守禮時論稱爲良將贈孚義公謚義勇賜歸塋錦水之沐下冊給皂隸民五社祀事云。子公明封桂郡公。無賜姓名
鄭摺爲少傅碧郡公。鎮山西

鄭摶爲少傅碧郡公。鎮山西。

鄧訓 彰德良舍人爲黎伯驪孫壻。在莫受伯爵。至順平初。隨伯驪歸順。諒國公一見與語奇之。問何爵。曰孔里伯。卽日表爲孔里侯。使督步軍爲先鋒。累經行陣有功。正治三年。諒國公出師覽山。莫敬典屯寧山。與官軍相持。訓乘便渡河。徑進與戰。爲所敗。麾下僅存數百人。乃收散卒憇高陵。賊兵四集。訓令本部無妄動。伺賊懈。驅兵直下。一齊奮擊。突出重圍。遂馳就大軍於覽山。太師嘉之。尋進爵義郡侯。庚午太師薨。鄭檜構變。時訓在金城軍營。長國公邀與同行。遂至行在。謁見。與諸將指誓同心。合謀拒賊。莫兵退。同黃廷愛出右路追擊。略定諸縣而還。辛未論功。陞少傅。光興三年。敬典入寇。至宋山。訓將兵拒于太堂。使裨將文海爲先鋒。挑戰于金甌山。而自督兵潛出平和江。抵自山截後。與有僚合攻。大破之。斬首千餘級。敬典退還。歷封兩軍左都督。署府事。太傅義郡公。六年卒。贈南軍左都督。掌府事。太尉義郡公。謚剛正。有女侍安平王。生誼王子。進榮亦有戰功。封河郡公。贈左司空。進榮生子七人。世材。世科。皆有才略。位兼相將。一門貴顯。罕有其比。云。世材。歷封瀛郡公。尚公主。鎮山西。世科詳賢輔祐。○世材孫廷謐。皆尚公主。廷練歷晉山西。山南京北。封薦相。廷著。皆爲顯官。廷倫歷仆郡公。山西海陽督撫。廷楚萊郡公。歷鎮山西。廷隣累封嘉郡公。贈大司徒。廷相詳賢輔祐。子廷顯。廷練。廷璽。

按中興名將范黃阮鄧俱稱巨擘德隆中靖王追思元功命賜配享四鎮宮廟謂之四配功臣就中考之范之勳德兼優誠爲良將第莫猶在而先沒功業未完惟廷愛有僚身經百戰備歷間關卒能殄強寇平舊京恢復之功均稱卓冠至如鄧訓戰功殊少僅能持兵守禦要亦不忝稱良以女爲王妃奕世貴顯二百餘年聲華煌暉遂爲功臣族之冠俗所謂作官鄧族者今仍詳註其世閥以備考云

何壽祿 錦水古隴人父仁政元和初封瑞山侯提統御營歷陞瑞郡公進封司徒壽祿以世閥典兵從諒國公征伐蹈危履險備著勞能封麟郡公鄭檜之變與廷愛有僚諸將指天爲誓協謀拒敵莫兵退以功陞右後軍營副將嘉泰初敬典入寇隨長國公禦敵以後隊進屯昭山與諸將合攻走之光興四年莫兵寇唐囊將左隊兵拒抗倦大致克捷尋進封司馬六年加少傅十四年大舉伐莫與吳景祐督糧兵一萬爲第五隊遇莫兵戰于粉上破之十六年莫平帝發萬賴還東京命留鎮守清華是年論功封少尉二十二年卒贈太尉壽祿純樸勤謹忠義智勇知兵略練兵法與父仁政擇扶王室備歷艱危功勞最優有子九人美賢美紹壽祥等皆有材略哲王許以世襲古隴冊土酋該管兵民爲一方保障云

賴世卿 宋山光朗人元和中追隨諒國公征伐備歷艱勞以功封安郡公正治初太王大舉伐莫命與武師鑠分鎮海門次年莫敬典越海入寇時王師遠出世卿以衆寡不敵乃與師鑠退保安場以固根本賊兵至二人併力拒擊出伏兵敗其前軍數戰連勝會有僚軍到內外夾攻大敗之庚午太王薨世卿守支隆神符海門被寇鄭檜之降莫也乃引兵遁入永福越錦水詣安場關與諸將

並會協謀討賊。莫兵退。帝議大舉出師。遣世卿由右路進。克宋山峨山諸縣。所至賊守兵奔潰。辛未論功。進少傅。壬申。莫人寇乂安。世卿將兵救援。師至。賊已退。乃經略沿海而還。光興二年卒。贈謙國公。

武師鑠 淳祿油場上人。元和初。從戎累有戰功。封潮郡公。順平七年。莫敬典入寇。師鑠與諸將伏兵邀擊于汴下。江僞節制壽郡敗走。跳下江流。師鑠擒獲之。并俘裨將十餘人。兵器不可勝數。敬典遁走。正治二年。太王出伐。莫師鑠與世卿分鎮海門。莫兵越海入寇。乃退保安場。二人併力合擊。與諸將夾攻大破之。鄭檜之變時。守靈長會潮海門。莫入寇。兵勢甚盛。檜震恐。謀降。師鑠泣諫曰。先王爲國家復讎雪恥。與僞莫血戰三十餘年。棄世之日。全師數萬。粟支十餘年。盡付明公。縱未能迎賊決戰。猶當求援行在。告急於次公子。解仇釋憤。相與力戰固守。何致屈身讎虜乎。檜不聽。與賴世美等降。莫師鑠欲率其部兵赴行在。而士志疑沮。不肯從。不得已隨衆就見敬典。尋密使人奉表書乞負罪歸朝。帝得書。乃議大舉出師。師鑠率本部五百人。夜棄賊屯。詣御營請罪。帝褒勞之。命仍舊職爵。舉衆並懼。軍聲復振。帝進臨淳祐討賊。命師鑠招本縣舊兵。得千餘人。爲先鋒。擊莫兵於雷津江。敗之。嘉泰初。進封太傅。三年。敬典寇清華。與有僚爲前隊先鋒。遇賊戰于安定東里。出奇兵合擊走之。引還尋卒。

吳景祐 石河爪牙人。前父安總兵永祿侯之子。統元間莫旣篡位。景祐以將門子聚衆據本縣地。於山麓中立營砦。甲環保河南一面。有精兵二千馬二十餘匹。聞莊宗立。卽調本路兵馬。詣行營拜見。太師諒國公嘉之。使從大兵征伐。順平中。累立戰功。歷加征西大將。世郡公。光興二年。莫

兵抵海入寇屯唐囊山景祐與諸將進擊大獲勝捷次年論功拜北軍右都督時節制公每出大兵輒令斷後守護調糧督兵未嘗有失諸將奮銳先驅而王師無乏絕之憂者景祐之功爲多焉十四年大舉伐莫與壽祿兵一萬爲第五隊屯于粉上遇賊隨諸道奮擊破之莫平論恢復功加少保尋卒其後子孫累世爲將班武職典兵者甚衆號爲石河將閥云子福淨仕至左都督封泗郡公坐堂議事卒贈太保營掌府漕郡公曾孫福添仕至參贊潤郡公封福神玄孫福瑞在正和中爲布政州屯將封右都督治軍嚴整器械精良時稱名將卒贈少保十世孫福泓景興初中造士選累從征討有功歷差山西海陽鎮守署府事大司徒汾郡公

按中興功臣預優等者十二人其餘三十餘人封功臣字今撮其勞能顯著除四配功臣外錄其次者又得壽祿以下四人其戰勝克敵之功雖不甚著而歷艱危效謀力勳伐亦各不少總之無愧於稱良者至若其餘一城一陣之能如文海文快者流蓋不勝錄故不以登載云

鄭文海永福銀杯人。光興中率左隊破莫於唐囊進封西軍都督演郡公。大舉平莫時守海門論恢復功加少保○范文快上元小粉人初封雄郡公論唐囊功拜太保。

陶光饒青威泉甘人父光華在神宗朝官右都督燕郡公卒贈左都督光饒以功臣子知兵繼掌軍籍真宗福泰初扶郡鄭櫟聚黨京師謀作亂誼王命光饒舉兵攻討戰于行瓶市斬殺其徒三千餘人生擒櫟誅之以功陞都督同知封當郡公盛德三年爲乂安督率董兵南入時南朝勢盛其將昭武侯襲破奇華鎮營守將文饒敗走溪郡鄭杖又敗于樂川累經挫劙王乃命寧公鄭旼鎮領而令光饒爲督率分兵三道南伐進至奇華南兵自退乃引還四年夏南河舟師入南界襲擊水軍諸將皆棄舟走南將扶陽等步兵奄至石河圍光饒軍鄭旼督諸將赴援光饒開壁出戰董屯兵奮力夾攻南軍大敗走追至大奈斬殺無算收獲象馬甚多南將皆退回論大勝功陞少保永壽元年

卷十 人物誌

名良之將 整

廿八

南兵渡河浸南唐。光饒進禦却之。是冬復率時憲等分道進討。遇南軍于香山。循禮大破之。次年論功。加副將少尉。開左匡軍營。留鎮乂安。領諸軍屯河中。四年誼王奉雷南巡。督諸將分兵三道。以光饒爲統率。進軍北布政州。南兵依險固守。王師久駐。匱糧尋引還。陽德元年卒。年七十一。光饒以勳閥董兵。久蒙簡注。安內靜外。多有勳勞。在鎮十八年。令行禁止。盜賊屏息。邊境晏然。爲中興後名將。云贈太宰。謚純謹。加封福神。子光揚。賜鄭姓。授都督僉事。封晉郡公。

黃義膠 金洞黃雲人。曾祖義騰。中興初從戎。封洪都公。祖義肺。封昭郡公。光興十四年。與莫戰死。贈少保。父義肥。封蘭郡公。德隆四年。加少保。福泰五年卒。壽七十四。贈太保。義膠世家將派。勇敢敢有餘。順德中。隨寧公鄭旼。南征石河之役。督兵援光饒。大獲克捷。論功陞提督。封洞郡公。會旼有異志。義膠不從。旼敗。陞都督同知。隨統領富郡公。定王世子。分兵蒲禦。時南軍桀據河南。築壘自源頭至海。以相拒。義膠與時憲攻破南壘。令諸將夾擊于清漳。南華敗之。永壽三年。南將昭武等渡河。攻美裕。屯將鄭旼敗走。義膠進破之。南兵退還。九月。與時憲分道齊發。由興元陰功渡河而進。遇南軍奮擊。殺獲甚衆。十一月。富郡公分遣諸將進攻。義膠由陸道經天祿進軍。與時憲相爲犄角。會兵並進。大戰破南兵于芙蓉上。俘殺不可勝數。南將昭武棄壘走。北軍乘勝長驅追至河中。盡復河南七縣。次年論功。陞副將左都督。萬慶元年卒。年四十。義膠英發豪邁。勇略兼優。嘯叱臨戎。每戰必捷。將閥英能。當時推爲第一。卒時上甚悼之。贈太傅。謚勇略。褒封福神。子義臘。永治初以江港功封朗郡公。裔孫義伯。永佑中爲海陽統領。封碧郡公。改院選賊有功。受金牌賞。歷陞參贊統領。上將軍。討有求。累立功。爲時名將。卒謚勇烈。封功臣。

黎時憲 雷陽富豪人。盛德初爲奇華鎮營屬將。會南河將夜襲營。屯兵敗退。坐此罷職。三年寧河之役。隨旂援光饒大獲克捷。論功陞都督同知。豪郡公會旂有異志。時憲不從。旂被逮。進陞右都督。隨統領富郡公守禦。時南兵連據河南沿海築壘以自固。時憲與義膠分道渡河。進攻屯壘。破之。令諸將擊于南華。南將多退走。永祿初。南兵渡河侵美裕。守將棄寨遁。時憲進擊却之。是年冬。又與光饒分討。大破南兵於循禮。二年論功陞少保。三年秋。富郡公會議進兵。時憲渡會統海口。由宣春左澳而進。遇南軍奮擊。勵兵直入。攻破雄祿壘。燒其營寨。獲象馬器械甚衆。而還。十一月復與諸將分進。時憲由海岸經宜春之剛澗。與義膠相爲犄角。進破南兵于安恬。會師長驅。鏖戰大捷于芙蓉上社。俘殺虜獲者不可勝計。南將昭武棄獨江壘。走向橫山。又安官兵爲南將所籍者。相率降散。七縣境土盡復。大軍水陸直抵日麗門屯駐。蓋自交兵以來。未有如此之大勝也。南軍自此氣沮不復出。長河以北。始得以無事矣。是役也。奮銳賈勇。時憲之功爲最焉。次年論功。加副將少尉。開左中軍營。景德二年陞西軍左都督。五年陽王大舉伐莫孽于高平。命爲統領。由太原道進。與丁文左等四面合攻。大破之。擒獲不勝。紀師還。命鎮守山西。八年爲西道統率。率參督詠郡公等。經略宣光。討麻福。簡斬之。安集州民而還。陽德九年。陽王奉嘉宗南征。命爲乂安統率。是年冬。車駕渡河駐蹕。時憲督諸將逼城填壕穿塹。併力急攻。城中危急。南將力戰固守。度不卽克。乃撤還。十二月師回。時憲留鎮。乂安於是列屯兵嚴守備。以大靈江爲界。南北自此休兵。境內安恬。德元元年推恩陞太傅。二年九月卒。年六十六。時憲忠義慷慨。智略勇敢。有機變才。治軍號令嚴肅。每出征伐。數立奇功。勳望昭

卷十 人物誌

名良之將

三十

卓爲諸將臣之冠。贈太宰。謚嚴智。褒封福神。諸子多有將略。能紹其家聲云。

子時京。時海。時涼。時京授參督
禎祥侯。時海封碩郡公。歷鎮高

平太原山西京北諸道署府事。永盛十二年卒。年七十八。贈太傅。時涼累鎮山西。陞都督歷又安
鎮守。封忠郡公。在鎮十九年。威惠並行。軍民悅服。保泰四年卒。年七十七。贈太宰追封福神。

丁文左 錦江邯上人。少倜儻放恣。爲公庭羈管。一日過射堆閱藝。見之笑曰。此曹無能。徒費廩食。考官聞之。召見命之一試。文左舉銃輕捷。每發必中。考官奇其才。以事達。誼王卽命解鎖。受武階職。典兵。福泰四年。以告僭僞功。加參督。永壽初。隨陶光饒留屯。與諸將進攻。大破南軍于循禮。次年論功。封都督同知祿郡公。景治五年。陽王討莫孽于高平。命爲督率。會諸軍進戰。文左身先士卒。直抵賊巢。大破之。擒僞郡敬僚僞尚書陳嵩等十餘人。俘獲人畜器械不勝數。敬字挈家奔北。四州悉平。師還。命鎮守七泉州。次年論功居第。陞左都督。進少保。會敬字假名元清。乞清帝諭我國還高平地。因據之。永治二年。復命文左進討。直擣高平。破之。元清奔龍州。略定四州而還。六年卒。文左勇略過人。常從征伐。所至克捷。稱爲一時名將。卒贈太保。追封福神。其後子孫繼世。典兵爲將。以討賊名天下云。子文勤善使刀楯。當時無敵。累官至郡公爵。孫文體勇敢善兵。景興初封郡公。爲統領平賊大將軍。討有求。十二年卒。贈左都督。遠孫錫璽。景興末爲海陽鎮守。爵璉忠侯。丙午奉詔入衛。封璉郡公。

按中興以後。良將以豪郡祿郡爲最。永盛中。康王加賜配享宮廟。與范黃阮鄧並列。謂之六族功臣。云。

阮廷桓 奇華香裔人。永祐末典兵爲王府侍衛。時全王沉病深居。嬖臣治郡專弄。朝政濁亂。廷桓與講臣阮貴慤親臣張汎武柳等密謀定策。擁立太弟卽位。開寶日。桓扈駕造朝。督四嚴四勁軍。帶劍肩轄侍立庭中。肅然諸大臣奉旨勸進。太弟猶不肯登座。桓擁掖之上。令裨將登樓發號。百官

並列拜賀。王位乃定。明王立。遂命桓以兵衛賞池宮。捕治郡親黨誅之。朝禁爲之肅清。論翊戴功。封宣力竭節功臣。煥郡公。是年冬。大王親率大軍南巡討銀茄。桓董兵從征。銀茄賊者爲南寇最黠。皆獰猛不畏死。行止無陣法。遇官軍輒提刀突入。亂拆人足。諸將累爲所敗。至是王親征。諸軍合攻。未拔。廷桓徑率所部兵反射賊右。後因縱火焚之。烟焰蔽天。賊遂大潰。官軍乘勢夾攻。賊死相枕。俘其渠者斬之。銀茄平。王賜廷桓金牌及賞功銀二百兩。是役爲初政武功第一。舉東北賊名聞風震。懷黨類日益離散。王師遂以次蕩定。故論平寇功以廷桓此陣之捷爲最優云。次年陞右都督。景興中歷加太傅權府事。致仕起復奉侍五老。二十六年卒。廷桓有機略。翊大策。贊戎功勳望隆重。深爲王所眷倚。卒贈太宰封福神。

黃五福。安勇奉公人。少以淨身奉侍。景興初官左少監。諱忠侯。性謹重。有智略。爲明王簡知。歷遷刑番內差。四年命爲奇道統領。進軍法十二條。王命行之。時逆賊有求嘯聚東北數道。騷擾統將黃公琦等攻討未捷。五福受命。卽借公錢券募壯士。慷慨臨戎。期以滅賊報國。六月有求圍公琦于清河。五福提兵來救。夾攻大破之。遂將水軍圍塗山賊巢。五年進攻克之。有求遁入京北據壽昌鎮。將陳廷綿所敗。棄城走。北方震動。報至京師。大駭。五福聞警。卽率兵從月德江次武江。馳驛上言。有求散亡逃遁之餘衆寡分而其勢易破。幸得一勝。意欲結連草寇。進逼珥河。今臣已次武江。彼欲悉衆而前。又恐臣之議其後。以是知其無能爲也。明王得報大喜。人情始安。八月會諸道兵攻勦。求敗走。收復鎮城。十二月求復圍文佳於市橋。五福分三道夾攻。敗之。求渡河遁。圍遂解。於是王命五

卷十 人物誌

名良之將

黎

冊二

福鎮京北。兼爲北道統領。進封右都督。曇郡公。五年與范廷重合兵攻求於昌江。破之。俘獲甚衆。求走太原。出安廣。憑海自固。復以輕舟抄掠東南大擾。五福遂率諸將與廷重合擊。大破其衆。擒僞將逆通者十餘人。斬獲無算。逆通求之最驍。將也。勇銳多謀。爲黠販心腹。既就擒。賊黨日孤。從者稍稍離散。求由是勢窮遠遁。東南略平。十年明王以三道漸寧。惟山西阮芳蟠據。遂決策親征。委統領廷重追勦。有求于乂安。而命五福董諸道。西征名芳者。安樂人。凶狠機智。據太原三島山。招兵括糧。久事積聚。三道平。芳徒黨日衆。宣興西太諸方民。率相影附。芳遂僭立宮殿。置官屬。以獨尊山爲窟。令其黨夥恣屠掠。烽焰日熾。官軍屢經敗衄。五福旣受命統領。相機攻截。賊累被殺傷。其勢稍沮。十一年王分置四軍。令五福調集進攻。十二月攻破郁岐屯。十二年正月進圍香梗。賊震懾潰走。遂進攻玉佩。敵兵大潰。竄入獨尊山。五福督諸將逼攻大破之。名芳與其黨焚巢夜遁。二月進拿於立石。擒之。王振旅凱還。五福功爲第。加封推忠宣力贊治功臣。歷陞掌府事。參預朝政。大司徒。兼山南鎮守。二十六年賜金牌刻與國同休四字。明王薨。靖王立。以元勳將復加眷注。丁亥進封二字公位。庚寅平寧之舉。在中夙夜預議。調兵遣將。贊畫居多。甲午年六十二乞致仕。王以勳舊許之。賜號國老。寵數有加。聞南朝有西山之釁。召與密議。舉兵。五福云。邊事係重。非萬全不謀。王以相機貴速。不可濡滯。乃令起復。董戎。拜上將軍。統領二十三營奇官兵。往乂安處措置。以便宜行事。五福旣至邊。與督率裴世達商議。委擇時。南朝張福巒以外戚專柄。貪戾致寇。五福因民之忿。乃檄數其罪。聲言爲清此大憝。然後掃除山寇。遂潛師渡河。逼日麗壘。守壘者獻門。諸軍擁入。進至瀆江。大戰。南軍不支。

遁避五福遂入富春城。乙未進抵廣南與西山阮岳兵遇。岳以李集亭爲援勢最猖獗。五福令諸將嚴陣以戰。四面夾攻大破之。斬獲無算。岳由是遣使請降。五福以其情僞難測。欲進兵廣義。相機圖勦。而疲疾轉作。進至珠塲留駐。十月復旋師富春。啓言天下之患莫大於力不足而強爲之。順化底定既足以大震威靈。今軍士經年久役。餽運疲弊。恭乞置廣南於度外。以爲後圖。擇差鎮臣量留官兵守順化。俾兵役可解。天下息肩。一二年後財力可資再圖。庶易爲力。靖王從之。改命端郡公裴世達等措置邊事。令五福回京調理。十二月中自富春發行。丙申正月卒於永營舟次。年六十四五福爲將嚴重有威。臨事果斷。待人一以忠信。行師尙節制持重。不務僥倖。號令嚴明。犯者不少假借。東征西討。功名顯赫。大將勳望。王朝所倚賴。云卒封上等福神。賜配宮廟。

阮潘 弘化霞揚人。永祐末自卒伍起身。明王拔用。加中尉使隨讀統將討賊。辛酉壬戌間。蹈艱履險。累立戰功。歷陞山西督將爵。潘侯。庚午王親征伍賊。分置四軍。以潘爲前將軍。令督本部前進。至郁岐屯。賊悉衆拒守。射彈如雨。王騎象賜。潘劍期以必破此屯。解戰袍衣絹衣下馬地鬪。顧其手下謂曰。除却衆軍名在尺籍者。具有軍法汝等皆我私人。今我正捐軀報國之秋。亦正汝等報我豢養之日。但情有不容斷者。親老子幼。有此者聽各退去。餘宜勉自激勵。共我決死生以報國。無愧負此鬚眉。衆聞言無肯退者。潘身先士卒。進擊破之。郁岐既拔。香粳由此亦潰。遂進攻玉佩。賊奔竄。追拿有芳獲之。山西平。王命潘斬賊黠黨逆禮等六十二人。築爲鯨觀饗。將士頒賞。潘預賜一金牌二銀牌。定平西功居第三。進陞少傅。爲清華案鎮。自是威名大著。歷十餘年間。武功既優。無事戰

卷十 人物誌

名良之等

七

七
四

伐。潘惟翹翔于梁江以養重威焉。丁亥靖王議南伐。朝廷進

潘可將尋以在清道遠不果召。己丑伐

鎮寧。起潘爲清華道正統領令與乂安興化二道齊進討賊。特賜金劍指諸軍諭之曰屬將以下不

用命者無惜此劍。軍中機務並許便宜。潘聞命感喜迅卽指軍打點進駐雷陽海澨地方整飭器具。

九月進兵渡梁江至安定與賊相遇分爲三支急擊大破之擒殺甚多捷聞王賜銀牌獎賞尋進攻

蒙山僞統領本郡敗走。潘分兵會勦賊望風奔潰燒其四屯五峙遂攻破仁祐康政二大屯所至賊

皆竄奔累戰克捷十月乘勝進抵鎮寧次年正月與乂道會兵攀崖而入直逼呈光賊巢。

賊將素畏

潘惡戰多密投降乃架飛樓瞰射諸峙潰維縫自焚死鎮寧遂平。檣以三十年老寇憑險旅拒未易

卒平方出師之始時議多爲危懼卒能掃清其巢穴者雖羣帥之協力而先聲克敵則潘之功爲多

云。凱還論功陞十八次進太宰職郡公爵甲午年六十五致仕乙未起復^潘興清二道督鎮討猛天

峒牢寇既至境牢兵遁去遂略地而還壬寅端王立三府兵驕橫難制以^潘宿將有威望命爲京城

正提領甲辰七月卒年七十四。潘奮迹行陣而勇智才略拔出倫輩戰勝攻取一時推爲名將卒封

福神。

裴世達 東城仙里人。以弁胄世閥初爲該隊典兵庚申間從戎討賊多有戰功景興初遷太原

留守爵端嚴侯戢盜綏民頗著勳績尋兼山西統領討伍賊庚午明王親征置四軍命爲左將軍與

諸部董兵齊進郁岐香梗既破進攻玉佩掩攻賊巢世達自青山入麾兵叢射^賊狼狽潰走乃率本

軍并藩兵出普安大慈邀截^賊後哨獲僞將十餘人并殺傷逆夥無一遺者定平西功居第一預賞

金牌一件。銀牌二件。尋遷山西鎮守。攻宣光山寇平。之入爲京北正提領。復遷清華留守。乙酉改乂安督率。丁亥靖王將有事興化。鎮寧賊擋出侵掠。命世達選土兵招豪目以益兵。加爵端郡公。令親率官軍攻勦。二月進攻香山。累攻賊兵破之。賊循山奔竄。追蹤擒僞琨郡檻送京師。捷聞。王令抽回大軍守乂安。而命別將討興化。己丑十州平。王議伐鎮寧。乃召世達赴京。諭以委寄重任。令回鎮調兵待用。七月命爲乂安道統領。討賊大將軍。董十六營奇與清華二道齊進。九月抵河南。並清華道兵會取路進。呈光賊巢。逆黨分支拒守。攻敗之。時靖王以賊城險固難拔。大軍久駐。饋運頗艱。密令暫息兵。俟來春再舉。達奉旨大驚。乃與諸將會議曰。兵貴拙速。不貴巧遲。萬里懸軍。寧容持久。今士氣方銳。不早乘機。勦定萬一持久。三軍氣怠。將若之何。且此一舉關係不細。敵人視之爲高下。隣國視之爲輕重。此賊未除。則鎮寧七縣故疆未復。而譖讐內望。南徼外窺。將以王師爲如何。今宜努力同仇。刻期滅賊。庶盡犬馬之忠。諸將聞言。皆激勵奮迅。與潘泓侯協力攻賊。愈急。次年春。呈光冊潰逆縲自焚。鎮寧平。凱還。論功陞二十二次。進大司馬。加封功臣二字。仍令督鎮乂安。覘南河情狀。甲午世達啓聞。南朝有西山兵釁。王命五福行邊。既至世達與商議事體。乃陰結守邊將吏。而聲言以出兵救難爲辭。十月遂潛軍濟河。拔柴壘。世達由同回壘入。與諸將齊進。累戰皆捷。十二月隨五福抵富春城。乙未五福進入廣南。攻西山。留達按守富春。措置十月。五福病。旋師。世達代理戎務。甲申五福卒。命爲南陲大將軍兼順化處鎮撫使。便宜行事。八月復改命造郡公。范吳球爲大將。而召世達回京。奉侍加署府事。戊戌以有水匪寇。命爲山南鎮守。賊平。復改爲乂安督率。卒年七十五。贈大

卷十 人物誌

名良之將

卷

冊六

司徒封福。神世達將家子。有方略。行兵務持重。愛士卒。累立大功。一時倚爲元輔。勳閥位望。爲驩州近世名將云。

按景興初。討賊武將。雖號森列。但求其功績顯著。而勳名之完美者。惟五福、潘派、世達三人。蓋皆歷涉間關。削平寇亂。用能銘功太常。藏勳王府。全慶始終。總之無忝良將。他如德坤、廷體、馮基。雖預四平將列。號稱能兵。而功業不終。爲可憫惜。故不以登載。而附見於其末云。

阮德坤。桂陽桂塢人。父仲汪。庚申間爲統領。與阮選戰沒。德坤代領其衆。有戰將才。恩王立。命爲後將軍。進平

賊巢。有大功。預賞金牌。丁亥平興化。靖王命諸奇隊調遣。己丑攻鎮寧爲右將軍。進抵呈光。被飛礮卒于軍中。

黃廷體。安勇人。有胆略善戰。景興中。爲興化鎮守。己丑領平戎將印。督宣興二道兵。進討鎮寧。與潘泓、世達合攻。蕩平逆黨。論功賞職十二次。甲午有事順化。五福臨戎。督先鋒破壘功最優。丙申命爲順化鎮副將。與統將造郡守城。丙午山西兵至。造郡惶懼謀降。廷體與子

二人力戰。驅

象江中死之。

黃濁基。山西白鶴人。庚申間拔自刦徒。明王許洗雪甄用。累隨戰伐有功。歷爲宣光山西鎮守。甲午有事順化。與五福隨行。戰功頗多。凱還加封司空領都公。仍命留鎮山西。丙午山西兵出。奉命出戰。與子八人力攻于翠藪津。六子死不敵退走。造山西兵還。復自山西入衛。後爲阮盛所敗。執回京。仰藥自盡。